



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1624. usque ad annum 1627

Fleury, Claude

August. Vind. [u.a.], 1778

VD18 90118863

§. 50. Victoriæ Wallensteinii Fridlandiæ Ducis contra Cæsaris hostes.

[urn:nbn:de:hbz:466:1-67369](https://nbn-resolving.org/urn:nbn:de:hbz:466:1-67369)

hostium eruptione, atque interclusa ad-
vehendæ annonæ opportunitate obsi-
dionem solvere coactus est, amissis
ferme quatuor suorum millibus.

Sæc. XVII.
A. C. 1625.

§. L.

*Victoriæ Wallensteinii Fridlandiæ
Ducis contra Cæsaris hostes.*

Interim Albertus Wallensteinus Frid-
landiæ Dux cum recenti milite suo
in Franconiam irrupit, & Göttingam
aliquamdiu obsessam deditione accepit,
cæsis agrestibus, qui victori obsistere
præsumpserant: Inde vero promotis
Einbecam castris Magdeburgensium &
Brunsvicensium fines attigit, non se-
mel a Brunvicensi Duce repulsus: tan-
dem vero Bavaricis copiis auctus, su-
peratis viarum angustiis in inferiorem
Saxoniam ferro sibi aditum fecit, oc-
cupatoque mox Halberstadio Vinarien-
sis Ducis copias aggressus est, æquata
utrinque victoriæ cladisque fortuna.
Tum demum patuit, quod Daniæ Rex
& Saxonix Principes nullatenus patriæ
defensionem, sed bellum in Cæsarem
eique addictos Principes Catholicos
adornarint; quippe Daniæ Rex extra
Saxonix limites arma circumferens,
ut Protestantes in Cæsarem concitaret,
eisdem læsam conscientix libertatem,
&

*Bougeant
Hist. Belli
tric. p. 1. 1. 2.
Carafa
Germ. rest.
p. 255.*

Sæc. XVII. & revocatam Religionem Catholicam
A. C. 1625. ob oculos posuit, seque Anglis, Vene-
 tis & Batavis conjunxit, Brunsvicen-
 sis quoque Dux, qui se Cæsaris ami-
 cum primo simulans, annonam Bava-
 ricis copiis promiserat, vertente for-
 tuna ducentos Poppenburgii præsidia-
 rios a Tillio impositos infidiose truci-
 dari iussit, totamque Provinciam ad
 arma contra Tillium & Fridlandum
 capessenda incitavit. Eapropter Til-
 lius aperto Marte non modo Danum,
 sed & Brunsvicensem petere statuit,
 atque expugnata Callenbergica arce
 equestre Danorum agmen, cæsis bis
 mille aggressus est, postea unacum
 Wallensteinio ad Pagum Rechlingam,
 ubi Fridericus Dux Saxo-Altenburgi-
 cus pro Palatino decertans confederat,
 castra movit, oppidum toto impetu ad-
 orsus; fortiter diuque utrinque pugna-
 tum, donec victoria penes Tillium
 stante, hostis in fugam ageretur, truci-
 datis Danorum quingentis, quos in-
 ter præcipui erant ipsemet Altenbur-
 gicus Dux, Obertrautius, Menger-
 senus, pluresque alii haud ignobiles
 Viri. Hujus cladis mærorem, quo
 Daniæ Rex afficiebatur, nonnihil tem-
 perabat incruenta Stolzenaviæ recupe-
 ratio, cujus loci opportunitate Rex usus,
 noctis intempestæ beneficio Bavaricam
 tur-

turmam, & Nerlianum equitatum fudit: *Sæc. XVII.*
 vicissim vero Fridlandus Halam Saxo- *A. C. 1625.*
 niæ urbem ad deditionem compulit,
 & Colaltus Magdeburgensem legio-
 nem cecidit, fugavitque: demum reli-
 quo hujus anni tempore crebri habe-
 bantur conflictus velitares, Marte utrin-
 que vario.

S. LI.

Actum de induciis.

Tam propensum ad pacem animum *Lotich. rer.*
 præferebat Ferdinandus Impera- *Germ. l. 15.*
 tor, ut fortuna etiam armis suis fa- *cap. 4.*
 vente nihilominus Saxonix inferioris *Barre hist.*
 Principes Ordinesque denuo a belli *d'Allem.*
 consiliis, & perduellium proscriptorum *t. 9. p. 556.*
 patrocinio datis literis dehortaretur;
 ipse etiam Saxonix Elector nil inten-
 tatum reliquit, ut turbidos quorum-
 dam animos ad pacis compositionem
 inclinaret. Neque suis partibus defuit
 Tillius, qui ex Friderici ad Turrianum
 literis, quas opportune intercepterat,
 Saxonix Principibus, manifestavit,
 quod Danix Rex nequaquam Saxonici
 Circuli defensionem pararet, sed juncto
 cum Cæsaris hostibus consilio Palati-
 num adversus Domum Austriacam ju-
 varet: In præfata vero Friderici epi-
 stola hæc manifestabantur belli con-
 silia